

Naqqiut

Siunnersuut 21. agusti 2018-imeersoq taarserpaa
 (§§ 2, 14, imm. 4, nr. 5 aamma 15, imm. 6, nr. 6-imi naqqiisoqarpoq)

Uunga siunnersuut: Pisortat oqartussaaffigisaanni suliffeqarfiinilu nioqququtissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. xx, xx. xxx 2018-imeersoq

Kapitali 1

Tunngaviit tamanut atuuttut aamma atuuffia il.il.

§ 1. Inatsisartut inatsisaatigut siunertaasoq tassaavoq pisortat pisiniartarneranni periaatsit aalajangersaassallugit taamaaliornikkullu pisortat aningasaataasa atorluarneqarnerpaanissaat anguniarlugu unammilleqatigiinnejq pitsaanerusoq anguniassallugu.

Stk. 2. Pisortat neqeroorutitsisarneri ima aaqqissuunneqartassanngillat Inatsisartut inatsisaata matuma atuuffii mattunneqartussanngorlugit imaluunniit unammilleqatigiinnejq killerneqartussanngorlugu.

§ 2. Inatsisartut inatsisaat una 500.000 kr-nik taakkuluunniit sinnerlugit nalilinnik pisortani oqartussanit imaluunniit suliffeqarfinnit allanit nioqququtissanik kiffartuussinernillu pisiniarnermut atuuppoq, § 3-p malitsigisaanik inatsimmi matumani pineqanngitsut ilanngunnagit, taamaattorli imm. 2 aamma 3 takuuk.

Imm. 2. Inatsisartut inatsisaat napparsimavimmi atortunut, atortunullu taakkununnga attuumassuteqartunut 2.500.000 kr-inik sinnerlugilluunniit nalilinnut atuuppoq.

Imm. 3. Illuliornermi sanaartornermilu suliiani 2.500.000 kr.-nik imaluunniit sinnerlugit nalilinnik teknikkip tungaatigut ikorsiinermut Inatsisartut inatsisaat atuuppoq.

Imm. 4. Inatsisartut inatsisaat aamma atuuppoq pisortat pisiniarnerini, neqerooruteqartup nalunaarutigippagu pisiniarneq neqeroorutigineqartoq § 12, imm. 1-imi arlaat 1-ini atorneqarsimappat neqeroorutaasuni taaneqartuni.

Imm. 5. Imermik, innaallagissamik, kiassarnermillu pisortat pilersuineranni, assartuinermi kiisalu allakkerinermi nalunaarasuartarnermilu inatsit naapertorlugu kisremaassassinissamik pisinnaatitaaffeqarfiusuni suliassanut Inatsisartut inatsisaat atuutinngilaq.

§ 3. Inatsisartut inatsisaanni malittarisassiani makku ilaangillat:

- 1) Illuliorternernik sanaartornermillu suliassat.
- 2) Inatsisilerinikkut aamma kukkunersiuisarnikkut siunnersorneqarneq ikiorneqarnerlu.

- 3) Pisortani oqartussanit imaluunniit suliffeqarfinnit allanit pisiniarnerit.
- 4) EU-mi inatsisilerinermi neqeroortitsinermut malittarisassiat najoqqutaralugit nunami EU-mi ilaasortaasumi pisortat peqatigalugit ataatsimoorullugit pisiniarnerit.
- 5) Tapiissutitigut pisinnaatitaalluni suliassamik kiap isumaginnittuussaneranik aningaasanut inatsimmi aalajangersagaasutut suliassat.
- 6) Isumaqtigiissutit nr. 1-imit 5-imut naapertorlugit ilaangitsutut oqaatigineqanngitsut, inuiaqtigiit soqtigisaannik pingaartunik illersuinissaq sakkukinnerusumik akuliunnikkut isumannaarneqarsinnaanngikkaangata.

Kapitali 2

Nassuaatit

§ 4. Nassuaatit tulliuttut Inatsisartut inatsisaanni atorneqarput.

Imm. 2. Inatsisartut inatsisaanni matumani ”pisiniarneq” nioqqutissanik imaluunniit kiffartuussinernik pisiniarnertut paasineqassaaq, ilanngullugu nioqqutissanik imaluunniit kiffartuussinernik pisiniarneq pillugu toqqammavissatut isumaqtigiissutinik atsiugaqarnertut aamma paasineqassalluni.

Imm. 3. Inatsisartut inatsisaanni matumani ”neqerooruteqartitsineq” nioqqutissanik kiffartuussinernilluunniit pisiniarnissaq siunertaralugu neqerooruteqartitsinermik ingerlatsisoqassanertut paasineqassaaq, ilanngullugu nioqqutissanik kiffartuussinernilluunniit pisiniarnissaq pillugu toqqammavissatut isumaqtigiissutinik atsiugaqarnertut.

Imm. 4. Inatsisartut inatsisaanni matumani ”neqerooruteqartitsinerup ingerlannissaa” neqerooruteqartitsinermik nalunaarummik tamanut saqqummiussinermik, tak. § 23, imm. 1, suliassanngortitsinermik aalajangiinerup neqerooruteqartunut nalunaarutigineqarneranut, tak. § 28, imm. 1, imaluunniit neqerooruteqartitsinerup atortussajunnaarsinneqarneranut, tak. § 29, paasineqassaaq. Siumut nalunaarutigeqqaarnagu neqerooruteqartitsinermik isumaqtigiinniarternalimmi neqerooruteqartitsinerup ingerlannissaa aallartinneqassaaq neqerooruteqartitsinermut atortussat neqerooruteqarnissamut piukkunnaatilinnut tunniunneqarpata, tak. § 16, imm. 5.

Imm. 5. Inatsisartut inatsisaanni matumani ”pisiniartoq” pisortani oqartussaasuni immikkoortortaqarfik imaluunniit suliffeqarfik neqerooruteqartitsisuuneratut paasineqassaaq.

Imm. 6. Inatsisartut inatsisaanni matumani ”neqeroorutit akuerineqarsinnaanngitsut” neqeroorutit imatut paasineqassapput:

- 1) kingusinaartumik tiguneqarsimasut,
- 2) neqerooruteqarnissamut atortussani piumasaqaatinik naammassinninngitsut,
- 3) neqerooruteqartunit naleqquttuunissamik piumasaqaatinik naammassinninngitsunit tunniunneqarsimasut,
- 4) nalinginnaanngitsumik appasissut, imaluunniit
- 5) Akimikkut pisiniartup naatsorsuutigisaanit imaluunniit pisiniartup missingersuutissatut aalajangersagaanit qaffasinnerusut.

Imm. 7. Inatsisartut inatsisaanni matumani "piukkunnartorsiuineq pillugu qinnuteqarnerit akuerineqarsinnaanngitsut" imatut paasineqassapput qinnuteqarnerit:

- 1) kingusinaartumik tiguneqarsimasut,
- 2) peqataasinjaatitaasussaannginnermut tunngavissat pillugit uppermarsaasinnaanermut piumasaqaatinik naammassinniffiunngitsut, imaluunniit
- 3) atorneqarsinnaanermik uppermarsaasiinissamut piumasaqaatinik naammassinninngitsut.

Kapitali 3

Pisiniarnissap nalinganik naatsorsuineq

§ 5. Pisiniarnissami § 2, imm. 1, § 15, imm. 4, nr. 5 aamma § 16, imm. 2, nr. 5-imi qanoq naleqarnissaanut killiliussat qaangerneqarsimanerannik naliliiniarnermi pisiniartup qaammatit tulliuttut 12-it ingerlaneranni sullissinissamik pineqartumik ataatsimut pisiassamisut naatsorsuutigisaasa nalingat tunngavigineqassaaq.

Imm. 2. Piffissaq isumaqtigiiissuteqarfiusussatut kissaatigineqartoq, sallutinnejarnissat ilanngullugit, qaammatinit 12-init sivisuneruppat, piseqqaartussaanerit ilanngullugit sullissinissap pineqartup piffissami isumaqtigiiissuteqarfiusumi tamarmi nalingi tamarmiusut tunngavigineqassapput.

Imm. 3. Pisiniartut arlallit ataatsimoorlutik pisiniarpata naliliineq imm. 1-imi taaneqartoq pisiniartuni peqataasuni tamani sullissinerit ataatsimut nalingat aallaavigalugu pissaaq.

Imm. 4. Kiffartuussinernik pisiniarnernut atatillugu nioqqutissanik pisinerit imaluunniit nioqqutissanut pisinernut atatillugu kiffartuussinernik pisiniarnerit imm. 1-imi naliliinernik taaneqartumi, nioqqutissat kiffartuussinerillu pisiniarnerit naatsorsuutigineqartut ataatsimoortillugit nalingi tunngavigalugit naliliisoqassaaq.

Kapitali 4

Ammasumik suleriaaseqarneq, assigiisitsineq aamma naleqqersuussineq

§ 6. Neqerooruteqartitsineq sapinngisamik ammanerpaamik pisussanngorlugu aammalu neqerooruteqarunnartut neqerooruteqartulluunniit assigiimmik pineqartussanngorlugit pisinissamik nalunaaruteqartup neqeroorutitsinerit aaqqissuutissavai.

§ 7. Neqerooruteqartitsinermi piumasaqaatigineqartut toqqammavigineqartullu sullissinernut neqerooruteqartitsinermi pineqartunut naapertuuttussanngorlugit neqerooruteqartitsinerit tamaasa pisiniartup aaqqissuutissavai.

§ 8. Neqeroorutip atuutilersinnerata aallartereerneratigut neqeroortitsinermi piumasaqaatin i aamma atortuni tunngaviusutut ilaasut allat pisinissamik nalunaaruteqartup allanngortissinnaanngilai.

Imm. 2. Pisinissamik nalunaaruteqartoq tunngaviusutut ilaasunik allannguissappat pisinissamik nalunaaruteqartup neqeroorutit ingerlanneqartut atorunnaarsissavai, tak. § 29, aamma nutaamik neqerooruteqassalluni.

Isertuussineq

§ 9. Neqerooruteqartitsinermi pisinissamik nalunaaruteqartup paasissutissiissutigisaasa isertuunneqarnissaat pisinissamik nalunaaruteqartup qinnuteqaateqartunut neqerooruteqartunulluunniit peqqussutigisinnaavaa.

Imm. 2. Inatsisartut inatsisaanni imaluunniit inatsisini allani allatut allassimasoqanngippat, neqeroortitsinermi paasissutissat isertuussat qinnuteqaateqartup neqerooruteqartulluunniit neqeroortitsinermik ingerlassamut atatillugu nassiussimasai pisinissamik nalunaaruteqartup tunniutissanngilai.

Kapitali 5

Niuernissaq pillugu siumoortumik oqaloqatigiittarneq, siunnersuisarneq il. il.

§ 10. Pisinissamik nalunaaruteqartoq neqerooruteqartitsineq sioqqullugu niueqatissanik oqaloqatiginnissinnaatitaavooq, aamma neqerooruteqartitsinermi atortussat imarisaaat pillugit.

Imm. 2. Pisinissamik nalunaaruteqartoq niuerneq pillugu siumoortumik oqaloqateqassappat aalajangersagaq malillugu oqaloqatigiinnissap imassaa pisinissamik nalunaaruteqartup uppermarsaasersinnaasariaqarpaa.

§ 11. Niueqatissanik oqaloqateqarnermut atatillugu pisinissamik nalunaaruteqartoq suliffeqarfimmiit siunnersorneqarsimappat allatigulluunniit siunnersorneqarsimappat imaluunniit suliffeqarfimmit allatigut siunnersorneqarsimappat suliffeqarfieuq taassuma neqeroorutitsinermi peqataaneratigut naligiinnngitsumik unammilleqatigitoqalernissaa pinaveersaarniarlugu pisinissamik nalunaaruteqartoq naleqquttunik iliuuseqassaaq.

Imm. 2. Pisinissamik nalunaaruteqartup minnerpaamik:

- 1) qulakkiissavaa paasissutissat naleqquttut suliffeqarfik peqatigalugu eqqartorneqarsimasut neqerooruteqartitsinermi atortunut ilaatinneqassasut, aamma
- 2) piffissaliussat eqqarsaatigalugit suliffeqarfieuq allanut sanilliulluni annerusumik iluaqutigeratarsinnaasai nalimmassarneqartussanngorlugit neqerooruteqartitsinermi piffissaliussat aalajangersassavait.

Imm. 3. Imm. 1 aamma imm. 2 naapertorlugit pisinissamik nalunaaruteqartup iliuuserisai unammillernermik annertuumik eqquitsisitinnaanerata pinngitsoortinnissaanut naammannngippata suliffeqarfik pineqartoq neqeroortitsinermi pisinissamik nalunaaruteqartup peqataatissanngilaa.

Imm. 4. Suliffeqarfik imm. 3 naapertorlugu peqataasinnajunnaarsinnejartinnani peqataanermigut unammilleqatigiinnermik equitsinnginnerminik uppermarsaanissamut periarfissinneqassaaq.

Kapitali 6

Neqerooruteqartitsinerit ingerlanneri

Neqerooruteqartitseriaatsit

§ 12. Pisiniarnerit Inatsisartut inatsisaanut matumunnga ilaasut neqerooruteqartitseriaatsit uku arlaat atorlugit neqeroorutigineqassapput:

- 1) Tamanut ammasumik neqerooruteqartitsineq, tak. § 13.
- 2) Killeqartumik neqerooruteqartitsineq, tak. § 14.
- 3) Siumoortumik nalunaaruteqarluni isumaqatigiinniarnertalimmik neqerooruteqartitsineq pillugu nalunaarut, tak. § 15.
- 4) Siumoortumik nalunaaruteqarnani isumaqatigiinniarnertalimmik neqerooruteqartitsineq pillugu nalunaarut, tak. § 16.

Imm. 2. Tamanut ammasumik neqerooruteqartitsineq imaluunniit killeqartumik neqerooruteqartitsineq tamatigut atorneqartassapput. Neqerooruteqartitsinerit isumaqatigiinniarnertallit taamaallaat atorneqarsinnaapput § 15, imm. 4-mi imaluunniit § 16, imm. 2-mi piumasaqaatit naammassineqarsimappata.

Tamanut ammasunik neqerooruteqartitsineq

§ 13. Tamanut ammasumik neqerooruteqartitsinermi kinaluunniit neqerooruteqarnissamut periarfissaqarpoq.

Imm. 2. Neqerooruteqartitsinissamik nalunaarummi minnerpaamik makku saqqummiunneqassapput:

- 1) Sullissinerup neqeroorutigineqartup naatsumik allaaserinera, piseqqaartussaatitaanerusinnaasut ilangullugit.
- 2) Neqerooruteqartitseriaatsit, tak. § 12, imm. 1.
- 3) Pisisussatut nalunaaruteqartup attaviginissaanut paasissutissat.
- 4) Tunniussinissamut najoqququtassaq, tak. § 17, imm. 1.
- 5) Neqerooruteqartitsinissamut piffissaliussaq, tak. § 26.
- 6) Neqerooruteqartitsinissamut piumasaqaatit neqerooruteqartitsinermilu atortut allat pillugit paasissutissat qanoq illugit pissarsiarineqassasut paasissutissiissutigineqassaaq.

Imm. 3. Neqerooruteqartitsinermi piumasaqaatini minnerpaamik, neqerooruteqartitsinermik nalunaarummit takuneqarsinnaanngippata, makku ilaatinneqassapput:

- 1) Tunniussinissamut piumasaqaatit pingaannginnerusinnaasut aamma taakkuninnga neqerooruteqartut akunnerminni oqimaaqatigiissaarnerat, tak. § 17, imm. 4-6.
- 2) Peqataatitsinnginnermut pissutaasut, tak. §§ 18-19.

- 3) Naleqquutuunermut piumasaqaatit minnerpaaffii, tak. § 20, tassunga ilanngullugit uppernarsaanissamut piumasaqaatit.
- 4) Immikkuualuttortalersuinissamut piumasaqaatit periaatsitigut immikkuualuttortalersuutaasinnaasut ilanngullugit, tak. § 22.
- 5) Isumaqtigiissutini atugassarititaasut pingaarutillit tamarmik.
- 6) Neqeroorutip suliarineranut piffissaliussatut pilersaarut, minnerpaamik neqerooruteqartitsinerup ingerlannerata nalaani neqerooruteqartumut aamma neqerooruteqartitsisumut piffissaliussanik tamanik imaqartussaq.
- 7) Neqeroortitsinermi atortunut apeqquteqarnissamut malittarisassat, tak. § 24.
- 8) Neqeroorutip tunniunnissaa pillugu piumasaqaatit, tassunga ilanngullugit aalajangiusimanninnissamut piffissaliussaq sivikinnerpaamik ulluni 30-ni.
- 9) Neqeroorutit tunniunnissaat pillugu ilusissatut piumasaqaataasinnaasut.

Killeqartumik neqerooruteqartitsineq

§ 14. Killeqartumik neqerooruteqartitsinermi pisinissamik nalunaaruteqartoq piareersaataasumik piukkunnartussarsiuussinermik ingerlatsissaaq, tak. § 21.

Imm. 2. Neqerooruteqarnissamut piukkunnassusiliinissami peqataatinneqarnissamut kinaluunniit qinnuteqaateqarsinnaavoq, kisiannili suliffeqarfuit neqerooruteqarsinnaasutut piukkunnassusilerneqarsimasut kisimik neqerooruteqarsinnaatitaapput.

Imm 3. Paasissutissiinissaq siunertaralugu neqerooruteqartitsineq pillugu nalunaarummut peqatigitillugu neqeroortitsinermi atortussat tamarmiusut ilaannaaluunniit tamanut ammasumik nalunaarutigineqassanersut pisinissamik nalunaaruteqartup toqqarsinnaavaa. Taamaattorli neqeroortitsinermi atortussat tamarmiusut pisisussap piareersaataasumik piukkunnartussarsiuussinermi suliffeqarfinnut tunniutissallugit pisinissamik nalunaaruteqartoq taamaallaat pisussaaffeqarpoq.

Imm. 4. Neqerooruteqartitsinissamut nalunaarummit minnerpaamik makku takuneqarsinnaassapput:

- 1) Sullissinerup neqeroorutigineqartup naatsumik allaaserinera, sallutinneqarsinnaasut ilanngullugit.
- 2) Neqerooruteqartitseraatsit, tak. § 12, imm. 1.
- 3) Pisisussatut nalunaaruteqartup attaviginissaanut paasissutissat.
- 4) Tunniussinissamut najoqquattassat, tak. § 17, imm. 1.
- 5) Neqerooruteqartitsinissamut piareersaataasumik piukkunnartussarsiuussinissat naatsorsuutigineqartut neqerooruteqartussat amerlassusiat, tak. § 21, imm. 1.
- 6) Neqerooruteqartitsinissamut piareersaataasumik piukkunnartussarsiuussinissamik toqqaanermut piumasaqaatit pillugit qanoq ililluni paasisaqarsinnaaneq.
- 7) Neqerooruteqartitsinissamut piareersaataasumik piukkunnartussarsiuussinissamik toqqaanissami piffissaliussaq, tak. § 25.

Imm. 5. Neqerooruteqartitsinissamut piareersaataasumik piukkunnartussarsiuussinermik toqqaanermut piumasaqaatit minnerpaamik, tamanna neqerooruteqartitsinermi nalunaarummit takuneqarsinnaanngippat, makku ilaassapput:

- 1) Peqataatitaannginnermut pissutaasut, tak. §§ 18-19.
- 2) Naleqquttuunermut minnerpaamik piumasaqaatit, tak. § 20, tassunga ilanngullugit uppernarsaanissamut piumasaqaatit.
- 3) Toqqaanissamut najoqqutassat, tak. § 21, imm. 3.

Imm 6. Suliffeqarfiiit pisinnaasut neqerooruteqartitsinissamut piumasaqaatinut aamma neqerooruteqartitsinermut atortunut ataatsikkut periarfissinneqassapput.

Imm. 7. Neqerooruteqartitsinermi piumasaqaatini minnerpaamik, neqerooruteqartitsinermik nalunaarummit takuneqarsinnaanngippata, makku ilaassapput:

- 1) Tunniussinissamut piumasaqaatit pingaanningerusinnaasut aamma taakkuninnga neqerooruteqartut akunnerminni oqimaaqtigiissaarnerat, tak. § 17, imm. 4-6.
- 2) Neqerooruteqartitsinissamut piffissaliussaq, tak. § 26.
- 3) Immikkuualuttortalersuinissamut piumasaqaatit periaatsitigut immikkuualuttortalersuutaasinnaasut ilanngullugit, tak. § 22.
- 4) Isumaqtigiissutini atugassarititaasut pingaarutilit tamarmik.
- 5) Neqeroorutip suliarineranut piffissaliussatut pilersaaret, minnerpaamik neqerooruteqartitsinerup ingerlannerata nalaani neqerooruteqartumut aamma neqerooruteqartitsisumut piffissaliussanik tamanik imaqartussaq.
- 6) Neqeroortitsinermi atortunut apeqquteqarnissamut malittarisassat, tak. § 24.
- 7) Neqeroorutip tunniunnissaa pillugu piumasaqaatit, tassunga ilanngullugit aalajangiusimanninnissamut piffissaliussaq sivikinnerpaamik ulluni 30-ini.
- 8) Neqeroorutip tunniunnissaa pillugu ilusissatut piumasaqaataasinnaasut.

Siumoortumik nalunaaruteqarluni isumaqtigiinniarfiusumik neqerooruteqartitsineq

§ 15. Siumoortumik nalunaaruteqarluni isumaqtigiinniarfiusumik neqerooruteqartitsinermi pisinissamik nalunaaruteqartoq piareersaataasumik piukkunnartussarsiuussinertalimmik neqerooruteqartitsissaaq, tak. § 21.

Imm. 2. Paassisutissiinissaq siunertalarugu neqeroortitsisarnermut nalunaarummut peqatigitillugu neqerooruteqarnermi atortussat tamaasa ilaannaaluunniit tamanut ammasumik nalunaaruteqarnissaq pisinissamik nalunaaruteqartup toqqarsinnaavaa. Taamaattorli pisinissamik nalunaaruteqartoq neqeroortitsinermi atortussat tamarmiusut suliffeqarfinnut pisisussap piareersaataasumik piukkunnartussarsiuussinermi tunniutissallugit taamaallaat pisussaaffeqarpoq.

Imm. 3. Tamanut ammasumik nalunaaruteqarnerup kingorna, tak. imm. 2. sullissinissatut kissaatigineqartut tunniunneqarnissaat pillugu pisinissamik nalunaaruteqartup suliffeqarfiiit pineqartut isumaqtiginninniarfiginissaat aallartissavaa. Neqerooruteqarnissamut piareersaataasumik piukkunnartussarsiuussinermut kikkulluunniit qinnuteqaateqarsinnaapput,

kisiannili pisinissamik nalunaaruteqartoq suliffeqarfinnit piareersaataasumik piukkunnartussarsiuussisimasunik taamaallaat isumaqatiginninniarsinnaavoq.

Imm. 4. Siumoortumik nalunaaruteqarluni isumaqatigiinniarfiusumik neqerooruteqartitsineq pisuni ukunani taamaallaat atorneqarsinnaavoq:

- 1) pisinissamik nalunaaruteqartup pisariaqartitai aaqqiinernik pissarsiassaareersunik tulluarsarneqarnatik akuersaarneqarsinnaanngippata,
- 2) isumaqatigiisummut ilaappat ilusitigut imaluunniit nutaaliornikkut aaqqiinerit,
- 3) sullissinissaq pillugu periaatsitigut immikkuualuttortalersuutit imaluunniit piumasaqaatit atugassaritaasullu neqeroortitsinermi pappiarartat naammaginartumik eqqqissartaunuersut aalajangiunneqarsinnaanngippata,
- 4) tamanut ammasumik imaluunniit killeqartumik neqerooruteqartitsinermut atatillugu neqeroorutit akuerineqarsinnaanngitsut kisimik saqqummiunneqarpata, tak. § 4, imm. 6, imaluunniit neqerooruteqartitsinissamut piareersaataasumik piukkunnartussarsiuussinermut toqqaaneq pillugu noqqaaneq akuerineqarsinnaanngippat, tak. § 4, imm. 7, imaluunniit
- 5) pisiassap eqqarsaatigineqartup 1 mio. koruunit nalinganit annikinneruppat, taamaattorli nakorsaqarfimmi atortussat taakkununngalu atasutut atortussat pisiarineranut 5.000.000 kr.-t inussallugit.

Imm. 5. Neqerooruteqartitsisarneq pillugu nalunaarutip tamanut ammasumik saqqummiunneqannginnerani imm. 4-mi piumasaqaat taaneqartoq 1 arlallilluunniit naammassineqarsimanerat pillugu uppermarsaatitut pisinissamik nalunaaruteqartoq tunngavilersukkamik nassuaateqassaaq.

Imm. 6. Neqerooruteqartitsinissamut nalunaarummit minnerpaamik makku allanneqarsimassapput:

- 1) Sullissinerup neqeroorutigineqartup naatsumik allaaserinera, siulliulluni neqeroorfigineqarnissamut periarfissat ilanngullugit.
- 2) Neqerooruteqartitseraatsit, tak. § 12, imm. 1.
- 3) Isumaqatigiinniarnerni peqataaneq pillugu neqerooruteqartunut akissarsiaqartitsisoqarnersoq.
- 4) Pisinissamik nalunaaruteqartup attaviginissaa pillugu paasissutissat.
- 5) Tunniussinissamut najoqququtassaq, tak. § 17, imm. 1.
- 6) Neqerooruteqartitsinissamut piareersaataasumik piukkunnartussarsiuussinissat naatsorsuutigineqartut neqerooruteqartussat amerlassusiat, tak. § 21, imm. 1.
- 7) Piareersaataasumik piukkunnartussarsiuussinermi piumasaqaatit qanoq pissarsiarineqarsinnaanerinin paasissutissat.
- 8) Piareersaataasumik piukkunnartussarsiuussinermik toqqaanissami noqqaanissamut piffissaliussaq, tak. § 25.

Imm. 7. Piareersaataasumik piukkunnartussarsiuussinermi toqqaanermut piumasaqaatit minnerpaamik, tamanna neqerooruteqartitsinermi nalunaarummit takuneqarsinnaanngippat, makku ilaassapput:

- 1) Peqataatitaannginnermut pissutaasut, tak. §§ 18-19.

- 2) Naleqquutuunermut piumasaqaatit minnerpaaffii, tak. § 20, tassunga ilanngullugit uppernarsaanissamut piumasaqaatit.
- 3) Toqqaanissamut najoqqutassat, tak. § 21, imm. 3.
- Imm. 8.* Piareersaataasumik piukkunnartussarsiuussinermi suliffeqarfii neqerooruteqartitsinissamut piumasaqaatinut aamma neqerooruteqartitsinermut atortunut isernissamut ataatsikkut periarfissinneqassapput.
- Imm. 9.* Neqerooruteqartitsinermi piumasaqaatini minnerpaamik, neqerooruteqartitsinermik nalunaarummit takuneqarsinnaanngippata, uku ilaassapput:
- 1) Tunniussinissamut piumasaqaatit pingaannginnerusinnaasut aamma taakkuninnga neqerooruteqartut akunnerminni oqimaaqtigisiarnerat, tak. § 17, imm. 3-5.
 - 2) Immikkualuttortalersuinissamut piumasaqaatit periaatsitigut immikkualuttortalersuutaasinnaasut ilanngullugit, tak. § 22.
 - 3) Isumaqtigiissutini atugassarititaasut pingaarutilit tamarmik.
 - 4) Neqeroorutip suliarineranut piffissaliussatut pilersaarut, minnerpaamik neqerooruteqartitsinerup ingerlannerata nalaani neqerooruteqartumut aamma neqerooruteqartitsisumut piffissaliussanik tamanik imaqartussaq.
 - 5) Neqeroortitsinermi atortunut apeqquteqarnissamut malittarisassat, tak. § 24.
 - 6) Neqeroorutip tunniunnissaa pillugu piumasaqaatit, tassunga ilanngullugit aalajangiusimanninnissamut piffissaliussaq sivikinnerpaamik ulluni 30-ni.
 - 7) Neqeroorutip tunniunnissaa pillugu ilusissatut piumasaqaataasinnaasut.
 - 8) Isumaqtigiinniarnerup ingerlanerata allaaserinera, tassunga ilanngullugit:
 - a) Inaarutaasumik neqeroorutit tunniutinnginneranni isumaqtigiinniarnerit qassit ingerlanneqassanersut.
 - b) Peqataasut amerlassusiat neqeroorutip ingerlanerani ikilisinneqassanersut.
 - c) Neqerooruteqartitsinerup kingusinnerpaamik tunniunneqarnissaa pillugu inaarutaasumik piffissaliussaq.
 - d) Isumaqtiginniarnerup ingerlanerani aallarnersaataasumik neqeroorutip tunniunneqarnissaa piumasaqaataappat tamannalu tunngavigalugu isumaqtigiissutip tunniunnissaanut pisinissamik nalunaaruteqartoq pisinnaatitaanerminik isumaqarpas.

*Siumoortumik nalunaarutigineqanngitsumik isumaqtigiinniarfiusumik
neqerooruteqartitsineq*

§ 16. Siumoortumik nalunaarutigineqanngitsumik isumaqtigiinniarfiusumik neqerooruteqartitsinermi sullissinerup kissaatigineqartup tunniunneqarnissaa pillugu isumaqtigiinniarnerit aallartinneqarnissaat siunertalarugu pisinissamik nalunaaruteqartoq suliffeqarfimmut 1-imut arlalinnulluunniit toqqaannartumik saaffiginnissaaq.

Imm. 2. Siumoortumik nalunaaruteqanngitsumik isumaqtigiinniarfiusumik neqerooruteqartitsineq taamaallaat pisuni tulliuttumi allanneqartuni atorneqarsinnaavoq:

- 1) siusinnerusukkut tamanut ammasumik imaluunniit killeqartumik neqerooruteqartitsinermut atatillugu neqeroorutit akuerineqarsinnaanngitsut kisimik saqqummiunneqarsimappata, tak. § 4, imm. 6, imaluunniit piareersaataasumik piukkunnartussarsiuussinermi piumasaqaatit akuerineqarsinnaanngippata, tak. § 4, imm. 7. Tamatumani naatsorsuutigineqarpoq suliffeqarfiiit piukkunnartussarsiornermut peqataajumasimasut, imaluunniit neqerooruteqarsimasut, § 18 peqataatinneqannginnissamik pissutaasunut attuumassuteqanngitsut, tamakkerlutik isumaqatigiinniarernut peqataaqqueneqassasut, aammalu neqerooruteqartitsinermi atortussat aallaqqaammulli atorneqartut tunngaviusumik imarisaat allanngortinneqassanngitsut,
- 2) pilersuisup taarsnera annertuumik akisullaartumik aningaasartuuteqarermik, teknikkikkut ataqtigiiinnginnermik imaluunniit ingerlatsinermi aserfallatsaaliiinermilu teknikkikkut annertuallaanik ajornartorsiutinik kinguneqassappat siusinnerusukkut pilersuisutut atorsimasamiit pilersuinerit ilassuteqarneri tamatumani pineqarput, taamaattorli takuuk imm. 7,
- 3) pilersuisup ataasiinnaap kiffartuussineq kissaatigineqartoq tunniussinnaappagu, taamaattorli takuuk imm. 7,
- 4) pisut neqerooruteqartitsisup naatsorsuutigereersimasinnaanngisai pissutigalugit tamanut ammasumik neqerooruteqartitsinermi, killilimmik neqerooruteqartitsinermi imaluunniit siumoortumik nalunaaruteqarnikkut isumaqatiginninniarnikkut neqerooruteqartitsinermi piffissaliussat malinnissaat ajornarpat, aammalu taamaattoqarpat allatut ajornavinnera naapertorlugu, imaluuniit
- 5) pisiariniakkap nalinga 1 million kr.-nit annikinneruppat, taamaattorli nakorsaqarfimm atortussat taakkununngalu atasutut atortussat pisiarineranut 5.000.000 kr.-t inussallugit.

Imm. 3. Piumasaqaat imm. 2-mi taaneqartoq 1 arlallilluunniit naammassineqarsimanerat pillugu uppernarsaatitut pisinissamik nalunaaruteqartoq suliffeqarfimmut saaffiginninnginnermini tunngavilersukkamik nassuiaasiussaaq.

Imm. 4. Imm. 2, nr. 4 aamma nr. 5-imi pisuni taaneqartuni pisinissamik nalunaaruteqartup isumaqatigiinniarnermi peqataanissamut suliffeqarfiiit ikinnerpaamik marluk aggersassavai.

Imm. 5. Suliffeqarfiiit peqataaqqueneqarsimasut neqerooruteqartitsinissamut piumasaqaatinut aamma neqerooruteqartitsinermut atortunut ataatsikkut periarfissinneqassapput.

Imm. 6. Neqerooruteqartitsinermi piumasaqaatini makku minnerpaamik ilanngunneqarsimassapput:

- 1) Tunniussinissamut najoqqtassat aamma najoqqtassat allat kiisalu taakku akunnerminni oqimalutarsimanissaat, tak. § 17.
- 2) Immikkuualuttortalersuinissamut piumasaqaatit periaatsitigut immikkuualuttortalersuutaasinnaasut ilanngullugit, tak. § 22.
- 3) Isumaqtigiissutini atugassarititaasut pingaarutillit tamarmik.
- 4) Neqeroorutip suliarineranut piffissaliussatut pilersaarut, minnerpaamik neqerooruteqartitsinerup ingerlannerata nalaani neqerooruteqartumut aamma neqerooruteqartitsisumut piffissaliussanik tamanik imaqtussaq.

- 5) Neqeroortitsinermi atortunut apeqquteqarnissamut malittarisassat, tak. § 24.
 - 6) Neqeroorutip tunniunnissaa pillugu piumasaqaatit, tassunga ilanngullugit aalajangiusimanninnissamut piffissaliussaq sivikinnerpaamik ulluni 30-ni.
 - 7) Neqeroorutip tunniunnissaa pillugu ilusissatut piumasaqaataasinnaasut.
 - 8) Isumaqtigiinniarnerup ingerlannerata allaaserinera, tassunga ilanngullugit:
 - a) Inaarutaasumik neqeroorutip tunniunnissaanut isumaqtigiinniarnerit qassit ingerlanneqassanersut.
 - b) Neqerooruteqartitsinerup nalaani peqataasut ikilisinneqassanersut.
 - c) Neqeroorutip tunniunnissaanut inaarutaasumik piffissaliussaq.
 - d) Isumaqtigiinniarnerit ingerlannerat aallarniutaasumik neqeroorummik tunniussisoqarnissaanik kinguneqassappat tamanna tunngavigalugu pisinissamut nalunaaruteqartoq isumaqtigiissummik tunineqarnissamut nangaassuteqassanersoq.
- Imm. 7. Imm. 6 pisuni imm. 2, nr. 2 aamma nr. 3-mi taaneqartuni atorneqassanngillat.*

Tunniussinissamut najoqqutassat

§ 17. Akilersinnaanerpaamik neqerooruteqartoq pisinissamik nalunaaruteqartup isumaqtigiissusiorfigissavaa. Neqeroorutit akilersinnaanerpaat tunngavissat tulliuttut arlaat ataaseq tunngavigalugu naliliivigineqassapput:

- 1) Appasinnerpaamik akilik, tak. imm. 2.
- 2) Appasinnerpaamik aningaasartuutilik, tak. imm. 3.
- 3) Akit pitsaassutsillu akornanni pitsaanerpaamik naleqqiussineq, tak. imm. 4.

Imm. 2. Tunniussinissamut piumasaqaammi "appasinnerpaamik akillip" atorneqarnerani pisiarinninnermi akia tamarmiusoq taamaallaat pingaartinneqassaaq.

Imm. 3. Tunniussinissamut najoqqutassap "ningaasartuutit appasinnerpaat" atorneqarnerani pisiarinerani akigititap saniatigut aningaasartuuteqariaatsit tamaasa pisisussap ilannguttariaqarpai, assersuutigalugit aserfallatsaaliiinermut aningaasartuutit.

Imm. 4. Tunniussinissamut piumasaqaammi "akit pitsaassutsillu akornanni pitsaanerpaamik naleqqiussinerup" atorneqarnerani assersuutigalugit aningaasartuutit saniatigut pitsaassutsikkut najoqqutassat tullinnguuttut pingaartinneqarsinnaapput:

- 1) Pitsaassuseq, tassunga ilanngullugu atornera, kusanassusia, ilusaa aamma tassunga atasut sullissinerit.
- 2) Sulinerup aaqqissugaanera, tassunga ilanngullugit sulisuni suliamik ingerlataqartussani piukkunnaatit misilitakkallu.
- 3) Tunniussinissamut piumasaqaatit, tassunga ilanngullugu tunniussinissamut piffissaliussaq.
- 4) Inuaqtigiinni akisussaaffeqarneq, tassunga ilanngullugit najukkamiiginnarnissaq, ilinniartussanik, ilinniarfissanik imaluunniit suliatigut misiliiffissanik pilersitsineq, katataasimasunik sulititsineq, peqqinnissakkut siuarsaaneq, avatangiisini pissutsit aamma piujuartitsisinnaaneq.

Imm. 5. Piumasaqaatit allat pisinissamik nalunaaruteqartup aalajangersagai, sullissinermut neqeroorutigineqartumut attuumassuteqassapput. Najoqqtassat allat aalajangersarneqassapput naleqquttuititsinissamullu periaatsinut naapertuuttumik oqimaalutarneqassallutik, tak. § 7, tunniussinissamut najoqqtassatut toqbarneqartumut sanilliullugu neqeroorummumt ajugaasumut naapertutissapput piukkunnartuussallutillu.

Imm. 6. Najoqqtassat immikkoortuisa ilaat najoqqtassanut allanut atorneqassappata, najoqqtassat immikkoortuisa ilaasa akornanni oqimaalutaassutaasinaasut taaneqassapput.

Imm. 7. Pisinissamik nalunaaruteqartoq neqeroorutinik naliliinermini pingaarnersiuineq tunniunneqarsimasoq naapertorlugu piumasaqaatit tamaasa ilangngutissallugit pisussaatitaavoq. Neqeroortitsisarnermut nalunaarummi imaluunniit neqeroortitsisarnermut piumasaqaatini pisisussap aalajangersarsimasaaninngarnit najoqqtassat pingaannginnerit allat pisisussap pingarnerutissanngilai.

Peqataanissamut mattunneqarneq

§ 18. Pisinissamik nalunaaruteqartup, suliffeqarfik imaluunniit tassani siulersuisuni ilaasortat imaluunniit pisortaaneqarfik ukiut kingulliit 4 ingerlaneranni makkununnga eqartuunneqarsimappata suliffeqarfik neqerooruteqartitsinermut peqataatissanngilaa:

- 1) Akiliilluni pinerluuteqarneq, peqquserlunneq imaluunniit niuerikkut unammilleqatigiinnermik annikillisitsisumik ingerlataqarneq.
- 2) Aaqqissuussaasumik pinerlunniaqatigiinnut peqataaneq.
- 3) Peqqarniisaarnernut imaluunniit peqqarniisaarnermut atatillugu pineqaatissiissutigineqarsinnaasumik, iliuuseqarsimanerit.
- 4) Aningaasanik peqquserlunnikut pissarsiarisimasanik malunnarunnaarsaaneq imaluunniit peqqarniissaarniartarnernut aningaassaliissuteqartarneq.
- 5) Meeqyanik sulisitsineq imaluunniit inunniq niueruteqarneq.

§ 19. Pisinissamik nalunaaruteqartup suliffeqarfik neqeroortitsinermi peqataatinngitsoorsinnaavaa, suliffeqarfik:

- 1) akiliisinnaajunnaarsinnaasutut suliarineqarpat, akiliisinnaassuseqanngitsutut imaluunniit atorunnaartussatut suliarineqarpat taamaaqataanilluunniit inissisimappat,
- 2) inuussutissarsiutigisami aallunnerata nalaani ukiut kingulliit pingasut ingerlaneranni annertuunik sumiginnaasarsimappat, tassunga ilanngullugit pisinissamik nalunaaruteqartumut imaluunniit pisortatut oqartussaasunut isumaqatigiissummik pisisussatut nalunaaruteqartup malitassaanik taassumaluunniit ilaank eqqortitsisimanngippat ima annertussusilimmik, allaat isumaqatigiissutip pineqartup atorunnaarsinneqarneranik kinguneqartumik,
- 3) pisinissamik nalunaaruteqartup imaluunniit pisortatut oqartussaasup neqeroorutaanut pisisussap malitassaanut malitassaasaluunniit ilaannut atatillugu ukiut kingulliit pingasut ingerlaneranni paassisutissanik eqqortuunngitsunik piaarluni tunniussaqartarsimappat, imaluunniit

4) Kalaallit Nunaanni nunamiluunniit suliffeqarfip pilersinneqarfigisimasaani akileraarutinik akitsuutinillu akiitsunik akileqquneqartunik 100.000. kr.-t sinnerlugit nalilinnik akiliisimanngippat.

Imm. 2. Suliffeqarfip imm. 1, nr. 4-mi pineqartup peqataatinneqannginnissaa aalajangiunneqarpat pisinissamik nalunaaruteqartup oqaatigisinnaavaa suliffeqarfik taamatut pineqartoq mattunneqassanngitsoq, ima pisoqarpat:

- 1) neqeroortitsinermi peqataasut tamarmik imm. 1, nr. 4-mi nassuiardeqartutut pisortanut akiitsoqarpata,
- 2) suliffeqarfik 100.000 kr.-t sinnerlugit akiitsut ilaannut qularnaveeqquisiimappat, imaluunniit
- 3) suliffeqarfik akiitsut akilerneqarnissaat pillugu isumaqatigiissuteqarpat isumaqatigiissummilla taassuminnga eqquutitsippat.

Piukkunnassusermut piumasaqaatit minnerpaaffissaat

§ 20. Suliffeqarfuit neqerooruteqarusuttut qulakkeerneqarnissaat siunertalarugu piukkunnassusissamut piumasaqaatissat minnerpaaffissaannik pisinissamik nalunaaruteqartoq aalajangersaasinnaavoq:

- 1) inuussutissarsiutip neqeroorutigineqartup ingerlannissaanut piukkunnassuseqarpata, aamma
- 2) neqeroorutitut isumaqatigiissutip piviusunngortinnissaanut aningaasaqarnikkut kiisalu periaatsitigut suliaticgullu paasisimasaqarnissamut pisinnaassuseqarpat.

Imm. 2 Tassunga atatillugu, tak. imm. 1, piukkunnassusissamut piumasaqaatit minnerpaaffissaasa naammassineqarsimanaerat suliffeqarfuit qanoq iliorlutik uppernarsaasissaneraat pisinissamik nalunaaruteqartup aalajangersassavaa.

Imm. 3. Piukkunnassusissamut piumasaqaat minnerpaaffissaat § 7 naapertorlugu aalajangersarneqassaaq.

Imm. 4. Inuussutissarsiutip neqeroorutigineqartup ingerlannissaanut piukkunnassuseqarnermut tunngatillugu minnerpaaffissatut piumasaqaatit tassaasinnaapput:

- 1) Niuerneq imaluunniit inuussutissarsiorneq pillugu nalunaarsuiffinni attuumassuteqartuni ilanngunneqarneq.
- 2) Akuersissutit attuumassuteqartut.
- 3) Inatsisit malillugit sillimmasiinerit pisussaaffiusut.

Imm. 5. Aningaasaqarnikkut pisinnaasassat pillugit minnerpaaffissatut piumasaqaatit annerpaamik tassaasinnaapput ukiuni pingasuni kingullerni naatsorsuutitigut angusimasat. Piumasaqaatit makkununnga tunngasuusinnaapput:

- 1) Kaaviiartitat.
- 2) Aningaasaqarnikkut patajaassuseq.
- 3) Sinneqartoorsinnaassuseqarneq
- 4) Nammineq aningaasaatit ajunngitsumik inernillit.

Imm. 6. Teknikkikkut suliatigullu piginnaasanut minnerpaamik piumasaqaatit makkununnga tunngasuusinnaapput:

- 1) Neqeroorutigineqartut assinginik pilersuinissamik misilittagaqarneq.
- 2) Sulisut amerlassusiat.
- 3) Sulisut pingaarutillit piginnaasaqarfigisaat.
- 4) Atortut, sakkut, teknikkikkut atortut, assigisaallu.
- 5) Pitsaassutsinik avatangiisitigullu aqtsineq.
- 6) Nioqqutissanut misilgutit.

Piukkunnartorsiuineq

§ 21. Killeqartumik neqerooruteqartitsinermi tak. § 14, aamma nalunaaruteqareernikkut isumaqatiginninniarternalimmik neqerooruteqarnermi, tak. § 15, suliffeqarfiiit qassit pisinissamik nalunaaruteqartup piukkunnartorsiuinermi ilaatinniagai qassiussanersut pisinissamik nalunaaruteqartup aalajangersassavai. Taakku amerlassusissaat akunnequtitut allanneqarsinnaavoq, tamatigulli ikinnerpaamik 3.

Imm. 2. Pisinissamik nalunaaruteqartoq pisussaaffeqarpoq §§ 18-20 naapertorlugit piumasaqaatinik naammassinnissimasut taamaallaat qinnuteqartut piukkunnartorsiuussallugit, aamma taaneqartunit taakku ikinnerugaluarpataluunniit. Taaneqartunit amerlanerusut pisinissamik nalunaaruteqartup piareersaataasumik piukkunnartussarsiuussinermi peqataatissinnaanngilai.

Imm. 3. Piukkunnartorsiuinermi suliffeqarfiiit amerlanerusut §§ 18-20 naapertorlugit piumasaqaatinik naammassinnissimappata najoqqutassat sorliit malillugit suliffeqarfiiit toqqartorneqarnissaat pillugu piukkunnartorsiuinermi piumasaqaatit pisinissamik nalunaaruteqartup aalajangersassavai.

Imm. 4. Neqerooruteqartitsinermi piukkunnartorsiuinermi qinnuteqaateqartoq qinnuteqaateqarsimasutut itigartinneqarsimasoq pisinissamik nalunaaruteqartup nutaamik ilanngutitissinnaavaa, suliffeqarfik neqerooruteqarnissamut piukkunnartorsiuinermi peqataajunnaartutut nalunaaruteqarsimappat. Tassanili piumasaqaatigineqarpoq qinnuteqartutut tunuartitaasup §§ 18-20 naapertorlugit piumasaqaatit naammassisimassagai.

Teknikkut nalunaarsuinerit

§ 22. Piumasaqaatit nalunaarsornerini teknikkuttu nalunaarsuinerit naalagaaffimmii imaluunniit nunani tamalaani assigiaarinissat sulinissap ilusissaanut piumasaqaatit innersuussutilluunniit atuuttut malillugit sapinngisamik annertunerpaamik aalajangersarneqassapput.

Imm. 2. Nioqqutissat sumi aalajangersimasumik aallaaveqarnersut immikkuulluunniit ilisarnaateqarnersut imaluunniit sumi sanaajunersut pillugit piumasaqaateqartoqassanngilaq.

Imm. 3. Periaatsini imm. 1-imí taaneqartuni naammaginartumik eqqortuussusilimmik sullissinissaq nassuiaaserneqarsinnaanngikkaangat, malittarisassat avaqqullugit immikkualuttortalersuutit imm. 2-mi pineqartut innersuussutigineqarsinnaapput, tassanili piumasaqaataavoq innersuussut pineqartoq "taamaaqataannilluunniit" pillugu oqaasertalersuutigineqartartumik malitseqartitsineq.

Imm. 4. Imm. 1-3-mi aalajangersakkat ajornartinngilaat, sullissinissap pineqartup nioqquutissanut imaluunniit aaqqiissutissanut pioreersunut ataqtigiiississinnaanissaat pisiassamik nalunaaruteqartup piumasaqaateqarfingissappagit, tassani ilanngullugu IT-mi hardware imaluunniit software pisiarinerini.

Neqeroorutip tamanut saqqummiunneqarnera

§ 23. Neqerooruteqartitsinerit tamarmik, taamaattorli siumoortumik nalunaarutigineqanngitsumik isumaqatigiinniarfiusumik neqerooruteqartitsinerit ilanngunnagit, neqerooruteqartitsinerit nalunaarutigineri tamanut ammasumut nalunaarutigalugit tusagassiarineqartarpot pisortat neqerooruteqartitsinernik nittartagaanni. Ammattaaq Kalaallit Nunaanni nunaniluunniit allani tusagassiorfiit allat aqqutigalugit neqeroorut ataatsikkut imaluunniit kingorna piseqqusaarutigineqassanersoq pisinissamik nalunaaruteqartup toqqarsinnaavaa.

Imm. 2. Siumoortumik nalunaarummi pisortat neqerooruteqartitsisarermik nittartagaani tamanut ammasumik nalunaarutigineqartussami neqeroorutip imm. 1-imí pineqartup ingerlanneqarnissaanik siunertaqarnini pisinissamik neqerooruteqartup sapinngisamik oqaatigissavaa neqerooruteqarnissamik nalunaarutip tamanut tusarliunneqarnissaa sivikinnerpaamik sapaatit akunnerinik 4-nik sioqqullugu.

Neqerooruteqartitsinerup nalaani apeqqutit saqqummiunneqartut

§ 24. Neqerooruteqartitsineq pillugu atortusanut apeqqutissat pisinissamik nalunaaruteqartumut apeqqutigineqassapput neqerooruteqartitsineq pillugu atortuni naammaginartumik piffissalerlugu – neqeroortitsinermi killigititatut aalajangigaq sioqqullugu.

Imm. 2. Neqerooruteqartitsinermi atortut pillugit apeqqutit tamarmik allaganngorlugit saqqummiunneqarnissaat pillugu neqerooruteqartitsinermik piumasaqaatini pisinissamik nalunaaruteqartup qinnutigissavaa.

Imm. 3. Apeqqutit piffissaritaasoq eqqorlugu tiguneqartut, tak. imm. 1, neqerooruteqartitsineq pillugu atortuni naammaginartumik piffissalerlugu neqeroortitsinermi killigititatut aalajangigaq sioqqullugu pisinissamik nalunaaruteqartup akereersimassavai. Taamaakkaluartoq apeqqutigineqartoq aatsaat siullermeerutaasumik iluseqartillugu saqqummiunneqartoq piffissaatillugu saqqummiunneqarsimannngitsoq neqeroortitsinerup kingusinnerpaamik piffissaliussap naannginnerata tungaanut pisinissamik nalunaaruteqartup akissuteqarfigisinnaavaa.

Imm. 4. Tak. imm. 3, pisinissamik nalunaaruteqartup apeqqutinik akissuteqarnissaa pissaaq allakkatigut aamma kinaassutsimik isertuussinikkut apeqqutip akissutaa ilanngullugu pisortat neqerooruteqartitsisarnermik nittartagaani allaganngorlugit pissarsiarineqarsinnaatinneratigut imaluunniit suliffeqarfinnut neqeroortitsinermi peqataatinneqartunut tamanut ataatsikkut e-mail aqqutigalugu saqqummiussinikkut.

Piffissaliussat

§ 25. Killeqartumik neqerooruteqartitsinermi aamma siumoortumik nalunaaruteqarluni isumaqatigiinniarfiusumik neqerooruteqartitsinermi piareersaataasumik piukkunnartussarsiuussinermi piffissaliussaq uppermarsaanissamut piumasaqaatinut aalajangersarneqartunut naammaginartumik naapertuutissapput, minnerpaamillu tamatigut nalunaarutip tamanut saqqummiunneqarneranit ullorsiutini ullut 14-it kingorna.

Imm. 2. Neqeroortitsinermi atortuni neqerooruteqartitsisoq annertuunik allannguiteqartitsissappat qinnuteqaatit tigunissaannut piffissaliussap sivitsornissaanut neqeroortitsisoq pisussaaffeqarpoq.

§ 26. Tamanut neqerooruteqartitsinermi aamma killeqartumik neqerooruteqartitsinermi neqerooruteqartitsinissamut piffissaliussaq kiffartuussinermut neqeroorutigineqartunut naleqqiullugu naammaginartuussaaq.

- 1) Tamanut ammasutut neqeroortitsinerni neqerooruteqartitsinermut nalunaarutip tamanut saqqummiunneranit ullorsiutini ullut 14-it.
- 2) Killilimmik neqeroortitsinerni neqerooruteqartitsinermut atortussat tamanut saqqummiunnerannit ullorsiutini ullut 14-it.

Imm. 2. Neqeroortitsinermi atortuni neqerooruteqartitsisoq annertuunik allannguiteqartitsissappat qinnuteqaatit tigunissaannut piffissaliussap sivitsornissaanut neqeroortitsisoq pisussaaffeqarpoq.

Kapitali 7

*Qinnuteqartunut neqerooruteqartunullu il.il. nalunaarutit
Piukkunnartorsiuineq tunniussinerlu pillugit nalunaarutit*

§ 27. Killeqartumik neqerooruteqartitsinermi imaluunniit siumoortumik nalunaarutigineqartumik isumaqatigiinniarfiusumik neqerooruteqartitsinermi piukkunnartorsiuinerup inernera pillugu pisinissamik nalunaaruteqartoq allakkatigut qinnuteqaateqartunut tamanut ataatsikkut nalunaaruteqassaaq.

Imm. 2. Qinnuteqartut itigartinneqartut eqqarsaatigalugit nalunaarut itigartitsinermut tunngavilersummik imaqassaaq.

§ 28. Tunniussinissamik aalajangerneq pillugu pisinissamik nalunaaruteqartup neqerooruteqartunut ataatsikkut allakkatigut nalunaaruteqarnissaq pillugu aalajangersagaq neqerooruteqartitseriaatsinut tamanut atuuppoq, taamaattorli tak. imm. 3.

Imm. 2. Neqerooruteqartunut itigartitaasunut tunngatillugu itigartitsineq pillugu tunngavilersummik nalunaarut imaqassaaq.

Imm. 3. §§ 18-20 naapertorlugit piumasaqaatinik naammassinnissimanermik uppernarsaasiisimannginnerup kingunerisaanik tamanut ammasumik neqerooruteqartitsinermi itigartitaasut mattunneqartulluunniit, neqerooruteqartunut allanut sanilliullugit itigartitaaneq mattunneqarnerluunniit pillugit siusinnerusukkut nalunaarfingineqarsinnaapput.

Imm. 4. Imm. 1 najoqqutaralugu tunniussinermik aalajangiussinerup kingornatigut pisortat neqerooruteqartitsinermik nittartagaanni neqerooruteqartitsisoq tamanut saqqummiussaqassaaq.

Neqeroorummik atorunnaarsitsineq

§ 29. Suliatigut paasisimasaqassuseq tunngavigalugu pisinissamik nalunaaruteqartoq neqeroorutigineqartumik atorunnaarsitsisinnaavoq, tassunga ilanngullugu ima pisoqarpat:

- 1) neqerooruteqartitsinermi atortussani imaluunniit neqeroortitsinerup ingerlanneqarnerani annertuunik kukkusoqarsimappat,
- 2) aningaasaliinermut pissutsit pissutigalugit pisinissamik nalunaaruteqartoq isumaqatigiissuteqarsinnaanngippat,
- 3) aaqqiissutissap neqeroorutigineqartup pissusissamisuunnginera pisinissamik nalunaaruteqartup ilisimalerpagu, imaluunniit
- 4) neqeroorutit akuerineqarsinnaanngitsut pisinissamut nalunaaruteqartup kisiisa tigusimappagit, tak. § 4, imm. 6 imaluunniit piukkunnartorsiuinermi qinnuteqaatit akuerineqarsinnaanngitsut kisiisa tigusimappagit, tak. § 4, imm. 7.

Imm. 2. Atorunnaarsitsineq tamatumunngalu tunngavilersuutit pillugit piukkunnartorsiuinermi qinnuteqaateqarsimasut imaluunniit neqeroorummik tunniussaqarsimasut tamaasa atorunnaarsitsinissamik aalajangeereernermiit kingusinnerpaamik ullaat nalinginnaasut 3-t qaangiunneranni piaernerpaamillu pisinissamik nalunaaruteqartoq ilisimatississaq.

Imm. 3. Atorunnaarsitsineq pisinissamik nalunaaruteqartup nutaamik neqeroortitsinissaanut aporfüssanngilaq. Nutaamik neqeroortitsinermi neqeroortitsinissamut piumasaqaatinit allatulluunniit siusinnerusukkut neqeroortitsinernit pisinissamik nalunaaruteqartoq pinngitsoorani malinnittussaatitaanngilaq uani ilanngunnagit pisut § 16, imm. 2, nr. 1-imi taaneqartut.

Kapitali 8

Isumaqtigiissutinik agguataarisarnerit

§ 30. Neqeroortitsisoq ataatsimoorussamik isumaqtigiissutip neqeroorutigineranut taarsiullugu immikkoortukkuutaanik isumaqtigiissutit ilaannik neqerooruteqarsinnaavoq.

Imm. 2. Neqeroortitsisoq immikkoortukkuutaanik isumaqtigiissutit ilaannik neqeroortitsinngippat tamanna pillugu neqeroortitsinermut atortussani neqeroortitsisoq ilisimatitsissaq.

Imm. 3. Neqeroortitsisoq neqeroortitsinermut nalunaarummi makkuningga nalunaarissaq:

- 1) neqerooruteqartoq isumaqtigiissutip ilanik 1-imik, amerlanernik, imaluunniit tamanik neqerooruteqarsinnaanersoq,
- 2) neqerooruteqartoq isumaqtigiissutip ilanik 1-imik, amerlanernik imaluunniit tamanik tunineqarsinnaanersoq, taamatullu pisoqassappat isumaqtigiissutit ilaat, imaluunniit isumaqtigiissutit ilaat katersat qanoq illutik ataqtigiissisisinnaaneri, aamma
- 3) najoqqutassiat imaluunniit malittarisassat kinaassusersiunngitsut aamma assigiinngisitsisuunngitsut isumaqtigiissutit ilaannik tunniussinermut aalajangiisuunersut, neqerooruteqartup amerlanerpaatut pissarsiarisinnaasanut naleqqiullugit najoqqutassiat imaluunniit malittarisassiat neqerooruteqartup isumaqtigiissutit ilaannik amerlanernik pissarsinissaanik kinguneqassagaluarpatu isumaqtigiissutit ilaat qanoq tuniunneqartarnerat ilanngullugu.

Kapitali 9

Naammagittaalliuuteqarsinnaatitaaneq aamma atuutilernerera

§ 31. Inatsisartut inatsisaanni matumani aalajangersakkanik unioqqutitsineq pillugu naammagittaalliuutit Pisortat Pisiortartarneranni Neqerooruteqartitsinermi Maalaaruteqartarfiannut suliakkiissutigineqarsinnaapput Pisortat Pisiortartarneranni Neqerooruteqartitsinermi Maalaaruteqartarfiat pillugu Inatsisartut inatsisaanni aalajangersakkat tamanna pillugu aalajangersarneqarsimasut naapertorlugit.

§ 32. Inatsisartut inatsisaat ulloq 1. januar 2019 atuutilerpoq.

Imm. 2 Inatsisartut inatsisaat inatsisip atuutilernerata kingornatigut neqeroortitsinernut atuutissaaq.

Namminersorlutik Oqartussat, ulloq xx. xxx 2018

Kim Kielsen